Zeitschrift: Nebelspalter : das Humor- und Satire-Magazin

Band: 71 (1945)

Heft: 13

Werbung

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. Mehr erfahren

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. En savoir plus

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. Find out more

Download PDF: 27.11.2025

ETH-Bibliothek Zürich, E-Periodica, https://www.e-periodica.ch

D'Huusfüürwehr hät Uebig gha!

«Sehr verehrte Damen und Herren! Um im Ernstfalle ein rasches und reibungsloses Zusammenarbeiten zwischen der Ortswehr und der Hausfeuerwehr zu erzielen, ist vor allem ein präzises Meldungswesen unerläßlich. Dieses Rapportwesen ist es, das wir heute mit dem ebenfalls aufgebotenen Luftschutz zusammen demonstrieren wollen. Ihrem hohen Verantwortungsbewußtsein traue ich es zu, daß der heutige Tag zu einem glänzenden Beweis ...» usw.

So hät de Herr Oberlütnant no lang zue üs parlet. De Chame ischt üs gwachse ob dere gschwollne Red.

«Gwöß wämmer üses beschtmöglichscht tue, daß dää no Mul und Auge ufschpert!» Die Antwort hät me jedem Anwäsende vom Gsicht chöne abläse.

«Sie, Frau Chüderli, machet e schriftlichi Meldig mit genauer Zytaagab, daß es a der Zürihegelschtraß Numero siebe en Dachschtockbrand heb; laufet dermit in Luftschutzchäller zum Marktplatz abe, wo sich d'Sammelschtell vo der Ortswehr befindet, gänd die Mäldig dert ab und machet wieder rechtsumkehrt. Ischt Ihne das klar?»

«Zu Befehl, Herr Oberlütnant!»

I ha mi of d'Bei gmacht und bi trotz mine vierzg Jöhrli devo gschosse wiene Chugle us em Rohr. Mit de Luftschutzbrülle und de Händsche i der Hand und eme alte Huet of em Chopf han ich Gümp gno, daß d'Lüt, wo mer bigägnet sind, vosälber of d'Syte gange sind! Fascht han ich es schlächts Gwüsse gha, won ich emol es bitzeli schtill gschtande by, um de Schnuuf wieder e chli noche znäh.

Ich ha d'Ortswehrsoldate scho vo wytem gseh, han ihne d'Mäldig entgägegschtreckt und has wieder ghaue

wie 's Bisiwetter.

Won ich aber emol omeluege, was gsehni bigoscht! De Schprützewage mit em Luftschutz vornedra rafilet scho gäge mich zue. «'s ischt fascht nöd zum glaube, wie die tifig sind», han ich tenkt und bi no viel meh uszoge. Aber do of eimol han ich nüüt me gseh und ghört vo dem Schprützewage.

's ischt nöd anderscht möglich, die chöned zaubere. I drei Minute bin i uf em Marktplatz une gsi, wo söscht normali Lüt gwöß e Viertelschtund händ. Und die söllet jetzt no schnäller sy!»

Ich schüüße zum Gartetörli ie, mis Härz gumpet i wilde Schprünge: «Herr Oberlütnant, ich bi zrugg, d'Mäldig han



ich uusgfüehrt, de Schprützewage chont grad hinenoo!»

«Aber Frau Chüderli», hät do de Herr Oberlütnant i einer Seelerueh gsäit, «Sie hättid nöd eso müese pressiere, mit dem Schprützewage müends z'erscht no mänge Brand go lösche, bivor sie zue Ihne chömet. Nämet Sie zwei anderi mit und lueget Sie, daß de Dachschtockbrand nöd wyter gryft!»

Ueser drei Grazie sind loszoge. D'Frau Schnäbeli hät 's Kommando

überno.

»'s Löschgrät zur Hand und d'Eimerschprütze voor!»

Mer händ die Befehl mit allem nötige Ernscht uusgfüehrt, händ im Huus inne alli Fänschter ufgschpeert und Brandbombe verschwinde loo. Händ dem improvisierte Füür glueget Meischter z'werde.

Nach ere halb Schtund hät üsers Oberkommando zum Fänschter use dem Herr Oberlütnant abegrüeft: «Herr Oberlütnant, es ischt alles i der Ornig, 's Füür ischt glösche, mer mäldet üs

zrogg!»

Potztusig, ischt do bim Herr Oberlütnant sälber 's Füür im Dach gschtege, i einer Lüti hät er ufe brüelet: «Nei, 's ischt nöd i der Ornig, ich will jetzt eifach ha, daß es brennt im Dachschtock obe und jetzt lueget Sie halt i Gottsname, daß 's Füür nöd wyter abe chunt, bis d'Löschmannschaft iiruckt!»

Mer händ wyter pumpet und wyter gsthprützt und wyter d'Patsche a d'Wand ue ghaue. Ei Schtund ischt vergange, en anderi au. De Schprützewage ischt all no nöd erschiene.

D'Frau Schnäbeli hät efängs gsüüfzet: «Herrjee, ich sött scho bald em Maa hei go z'Nacht mache, wämme denkt, daß mer scho syt em zwei ... 's ischt

nöd zum fänke!»

Mer häd wyter pumpet und wyter gschprützt und sind Schtock um Schtock wyter abe grutscht, will mers i dem improvisierte Füür und Rauch fascht nöme usghalte händ.

Uf eimol säit d'Frau Schnäbeli: «So, mer höret uf, d'Löschgrät of d'Syte und d'Eimerschprütze au, mer trätet ab!»

Im Gänsemarsch simmer do zum Herr Oberlütnant gange, wo d'Frau Schnäbeli ohni Achtigschtellig und Ehrfurchtsbezügig losglo hät: «Herr Binggeli, wänn d'Füürwehr dänn doch no sött aarugge, so schicket sie no wieder zrogg, 's Huus ischt jetzt vollschtändig abebrennt, 's ischt nüüt me do als es chlises Gümpli Wasser!»

's hät agfänge dunkle, wo mer wieder vor em Herr Oberlütnant Parade gschtande sind und nu no mit halbem Ohr vernoh händ, daß er üs danki für die Ufmerksamkeit bi dere rasche und tadellose Abwicklig vo üsere Uebig...

sw.

Anny Fre

Lieber Nebelspalter!

Ich saß kürzlich in einer Berner Küchliwirtschaft. Neben mir tranken zwei alte Fraueli ihren Kaffee. Das einte las die Zeitung und erzählte der Freundin, daß der Amerikaner (gemeint war der zu dieser Zeit in der Schweiz weilende amerikanische Wirtschaftsdelegierte) nun in Gstaad sei. Ich warf einen Blick auf die Zeitungsnotiz und las die Ueberschrift, die lautete: «Curling in Gstaad». Ich nehme an, daß das Fraueli nur die

Ueberschrift gelesen hat, denn sonst wären ihm vielleicht doch etwelche Bedenken gekommen! — (Was übrigens wohl Mister Currie sagen würde, wenn man aus ihm einen «Curling auf dem Gstaader-Eisfeld» machen würde?)



Bei **Grippe** und ihren Erscheinungen wie Kopfweh, Fieber, Mattigkeit nimm:

Contra-Schwerz

12 Tabl. Fr. 1.80
100 Tabl. Fr. 10.50
In allen Apotheken I



FAHNEN



punktfrei liefert

FAHNENFABRIK

Ad. Tschudin BASEL

Sternengasse 15 Tel. (061) 43354



Ein gediegenes Ostergeschenk für Konfirmanden



Mit einem Bild Gottfried Kellers nach der Radierung von Karl Stauffer und 11 Holzschnitten von A. Saner

192 Seiten. Kart. Fr. 5 .-

DRUCK UND VERLAG: E. LÖPFE-BENZ, RORSCHACH



Furunkel, Abszesse, Zahneiterungen, Bi-beli im Gesicht, Um-lauf werden mit den blutreinigenden **ABSZESSIN** Tabletten an der Wurzel be-kämpft und schneller Heilung zugeführt. -Angenehm einzunehmen. - Alti Heilmittel. Altbewährtes

10Tabl.2.60 20Tabl.4.70 inkl. Steuer. In Apoth.

Wer möchte da nicht Götti sein!

(Aus einem Aufsätzchen einer Viertkläßlerin)

Gestern tauften wir. Wir fuhren mit dem Breg in das Pfahrhaus. Als wir wieder daheim waren, hatte Mutti zu Mittag gekocht. Zuerst gab es Pastetchen, dann Fleisch und Kartoffelstock. Als wir das gegessen hatten, machten wir eine Pause, Dann liefen wir auf der Einfahrt herum. Nach dehm wir ihnen alles gezeigt hatten, gingen wir wieder essen, es gab Sauerkraut, Speck, Kartoffeln und Koteletten, nach dem gab es das desser: Schlüüfferli, Torte und noch Tuttifrutti. Dann sagte ich: Das ist jetzt schön gewesen und ging zu Beff...

(Pfst, pfst, säget's nume nid em Currie oder em Dingle Foot!)

Wufiten Sie das schon?

Jeder erschöpfte, vorzeitig verbrauchte menschliche Organismus findet durch Sex 44 Hormon-Dragées neue Kraft. Bewährt bei körperlicher und geistiger Ermüdung und Leistungsabnahme, Schalffheit, Fehlen an Konzenfrationsfähigkeit, Unruhe, Beklemmungen und Angstzuständen. Sex 44 ist kein bloßes Aufreizungsmittel, sondern regt die erschlafften Drüsen an zu neuer Arbeit. Unsere Grafisbroschüre «A» gibt interessanten Aufschluß über dieses werivolle Präparat Sex 44. Halbpackung für Männer Fr. 7.15, Orig.-Packung, 100 Dragées, Fr. 13.40, Kur, 300 Dragées, Fr. 34.20 + Wust. Für Frauen: Probepackung Fr. 7.65, Orig.-Packung 100 Dragées, Fr. 14.40, Kur, 300 Dragées, Fr. 35.20 + Wust. In Apotheken oder innert 24 Stunden direkt vom Generaldepot

Löwen-Apotheke, Ernst Jahn, Lenzburg A

Hormone und Lecithin

